

Ս. Գ. Կախաթանյան

ԳՐԻԳՈՐ ԱՐԾՐՈՒՆԻՆ ՀԱՍԱՐԱԿԱԿԱՆ ԶԱՐԳԱՑՄԱՆ ՄԱՍԻՆ

Գրիգոր Արծրունին հայ հասարակական մտքի զարգացման մեջ ունի յուրահատուկ տեղ: 19-րդ դարի 70—80-ական թվականներին նա առաջադրեց լիբերալիզմի մի ամբողջ «որոշակի դրական ծրագիր»՝ գիմարաբժլած հայկական կյանքում իշխող կղերականությանը, ռեակցիային, Ի հակադրություն «Մեղու Հայաստանի»-ի և «Նոր-Դար»-ի, որոնք պրոպագանդում էին կղերապահական ողական իդեոլոգիան, Արծրունին պահանջում էր լիկվիդացնել միջնադարյան, ֆեոդալական հարաբերությունները իրենց կղերամտությամբ և սխուստտիկայով, զարգացնել արդյունաբերական, արտադրողական ուժերը, հրկիրը դուրս բերել հետամնացությունից ու քաղաքացիությունից: Պայքարելով ֆեոդալիզմի մնացորդների դեմ, նա պաշտպանեց աշխարհարար լեզվի իրավունքը՝ ընդդեմ գրարարի, բուրժուական դեմոկրատական սկզբունքները՝ ընդդեմ ֆեոդալական հարաբերությունների գլխավոր նեցուկի՝ եկեղեցու դիկտատուրայի: Նա առաջադրեց կնոջ ազատության, անհատի ազատ զարգացման խնդիրը: Արծրունին, ի հակադրություն ազգային պահպանողական հոսանքների, պաշտպանեց եվրոպական կուլտուրայի և գիտության ազատ մոտեցումներ կյանքի զանազան բնագավառներում: Հնի դեմ հաղթանակ տանելու համար նա զորավիգ եղավ իրական, ժամանակակից կյանքը արտացոլող գրականության և թատրոնի զարգացմանը: Նա երկար և համառ պայքար մղեց հայ ժողովրդի կոնսուլիդացման, հայության տարրեր հատվածների մերձեցման համար:

Ի տարրերություն պահպանողականների ազգային սահմանափակության և սնապարծության, Արծրունին եղավ ժողովուրդների, հատկապես Անդրկովկասի ժողովուրդների բարեկամության քարոզիչ, ազգային ազատագրական պայքարի ջերմ կողմնակից:

Պատահական չէ, որ Ստ. Շահումյանը, Բ. Կնունյանցը, Ա. Ամիրյանը, և այլք, որոնք լավ գիտեին հայ հասարակական կյանքը և նրա մեջ պայքարող հոսանքները, միաբերան հավաստում են Արծրունու և նրա «Մշակ»-ի կատարած պրոգրեսիվ գերը: Մեր ականավոր մարքսիստները նշում են, որ «Մշակ»-ը հարգված է եղել բոլորի կողմից և վիթխարի ազդեցություն է գործել հասարակական կյանքի վրա: Ահա թե ինչ է գրում Բ. Կնունյանցը 1903 թ. արծրունյան շրջանի «Մշակ»-ի մասին. «Յուրաքանչյուր ազատ միտք, յուրաքանչյուր բարի իրերի ալ ձևերով, յուրաքանչյուր պրոգրեսիվ գործ իրեն կապում էր «Մշակ»-ի անվան հետ»:

Գր. Արծրունու քսանյոթամյա գրական գործունեությունը անբասիր չէ: Նա ունեցել է ոչ միայն «սովորական», այլև արմատական սխալներ ու խնդիրներ, բայց այս հոգվածում մենք քննության առարկա ենք դարձրել միայն մեկ հարց՝ զարգացման, ավելի ճիշտ, հասարակության զարգաց-

ման վերաբերյալ նրա հայացքները, հույս ունենալով հետագայում վերադառնալու նրա ամբողջական գործունեության բնութագրմանը:

* * *

Շարժումը, զարգացումը, Գր. Արծրունու բմբռնմամբ, ունիվերսալ բնույթ ունի, այն իմանենտ է ողջ գոյություն ունեցողին՝ բնությանը, մարդկային հասարակությանը, մարդու հոգևոր գործունեությանը: Անշարժություն չկա և չի կարող լինել, և մարդկանց ձգտումը որևէ բան պահել անխախտ՝ նախապես դատապարտված է չիթականանալու:

«Նրբ մենք սովորաբար ասում ենք այսինչ երևույթ, այսինչ հասարակություն, այդ ինչ անհատ, կամ՝ ազգություն անշարժ են, — դա ճիշտ չէ: Բնության մեջ իսկապես անշարժություն չկա: Ինչ որ անշարժ է երևում, նա այնուամենայնիվ մի հայտնի ուղղությամբ շարժվում է՝ որովհետև գնում է դեպի իր անկումը, դեպի իր կործանումը»:

Շարժման, զարգացման տեսակետը Արծրունին որդեգրում է իր գործունեության հենց սկզբում. դեռ ուսանողական տարիներին գրած հոդվածներում նա վճռականապես դատապարտում է անշարժության, քաղաքացիության ամեն մի բմբռնում:

Շարժումը լինում է հետընթաց և առաջընթաց. բայց էականը առաջընթաց շարժումն է: Անկումը և բարձրացումը, կործանումը և առաջացումը հավասարապես շարժման արդյունք են, հասկանալի են շարժման մեջ:

Ամեն մի փոփոխություն, զարգացում, առաջադիմություն շարժման մարմնացումն է: «Մարդկային հասարակությունը, ինչպես բնության ամեն մի երևույթ, չէ կարող անշարժ մնալ, գոյություն ունենալու համար ամեն մի մարմին, ամեն օրգանական կազմվածք, ամեն հասարակական կազմակերպություն պետք է անընդհատ նորոգի իր ուժերը»:

Նշողունելով, որ ոչինչ նույն կետում կանգ առնել չի կարող, որ շարժումն ունի իր ալտերնատիվը՝ կամ կործանում կամ առաջադիմություն, Գր. Արծրունին մերժում է պաշտոնականությունը, որպես ինչ-որ կոնցեպցիա, Պաշտպանել եղածը, լինել գոյություն ունեցողի աշխարհայնության կողմնակից, նշանակում է կամա թե ակամա գործել հետադիմության օգտին և սիրած երևույթը դատապարտել կործանման: «Եյանքի մեջ ոչինչ չը կա անշարժ, և նրանք, որոնք իրանց պաշտոնական կարծելով, պաշտպանում են և հասարակությունը անընդհատ անշարժության մեջ, չեն նկատում, որ այդ անշարժությունը ուրիշ բան չէ, եթե ոչ հետադիմություն, փայփայումն, կործանումն»:

Չի կարելի նկատի չառնել այն, որ Արծրունին շարժման, զարգացման իր բմբռնումներով մի կոնկրետ նպատակ է հետապնդում՝ հարվածել հայկական կյանքում գոյություն ունեցող պաշտոնականությունը, որ հանգում էր ֆեոդալական միացորդների՝ կղերականության, եկեղեցու դիկտատուրայի, հին տնտեսաձևերի ու դրականության, կրթության հետամնաց վիճակի, բարոյական ինքնորոշման պահպանմանն ու սրբազմանը:

Թեև Գ. Արծրունին բնության հետադուր ուղի չէ, այլ հասարակական կյանքի ընկի, և նրան ամենից առաջ հետաքրքրում է հասարակական կյանքը՝ իր

1 Գ. Ա. Մշակ, № 211, 1878:

2 Նույն տեղում № 116, 1886:

3 Նույն տեղում:

առաջադիմությամբ, բայց նրա համար զաղտնիք չէ, որ բնությունը գտնվում է շարժման և զարգացման մեջ: Լինելիությունը և փոփոխությունը բնության մեջ ամեն մի կասկածից զուրս է և Արծրունու համար աքսիոմատիկ բնույթ ունի: Եթե բնությունը անընդհատ շարժման ու զարգացման մեջ է, հասարակական կյանքն էլ պետք է շարժման մեջ լինի, դատում է Արծրունին: Հասարակությունը, ըստ Գր. Արծրունու, պետք է ենթարկվի բնության գոյության «առողորմ» օրենքներին: Ինչպես բնության, այնպես էլ հասարակության մեջ առաջարժությունը մասն է «Մշակ»-ի «Միշտ ղեպի առաջ» առաջնորդողում Արծրունին գրում է. «Բնության մեջ չը կա և չէ կարող լինել անշարժություն, մի՞թե մարդը լինի դա մի անհատ, թե անհատների դամբարան՝ կարող է, իրավունք ունի, հնար ունի ապրել բնությունից զուրս»:

Եթե բնությունը միշտ շարժման մեջ է, ժամանակն անընդհատաբար ղեպի առաջ է գնում, — ուրեմն և մարդկային հասարակությունը չէ կարող չըհարմարվել բնության առողորմ օրենքներին, ժամանակի անխնա պահանջներին. և նա էլ, մարդկային հասարակությունը, պետք է միշտ և անընդհատաբար ձգտե ղեպի առաջ:

Անշարժ մնալ, կանգնել, գուցե և հետադիմել, երբ ամեն բան՝ բնությունը և ժամանակը առաջ են գնում, — նշանակում է մեռնել, նշանակում է ինքն իրան մահվան դատապարտել, նշանակում է անձնասպանություն գործել⁴:

Եվ իշտ նկատելով, որ շարժումը համընդհանուր երևույթ է, Արծրունին մեղ չի տալիս շարժման տեսակների մասին ոչ մի հասկացողություն, չի բժրոնում շարժման սպեցիֆիկան, երբ խոսում է բնության, հասարակության, մտավոր կյանքի զարգացման մասին:

Ճիշտ ղեմ մղվող կովում Արծրունին կրքոտ է, անզիջում, նրա մոտ առաջադիմության համար պայքարը կատեգորիկ իմպերատիվի բնույթ ունի: Ժամանակը առաջ է գնում, հսկայական կյանքը հետ է մնում, այդ դայրադնում է Արծրունուն և զայրացնում է հատկապես նրա համար, որ հսկայական կյանքում կային ամբողջ հասարակական խմբեր՝ խավաբամիտներ և սպանողականներ, որոնք ամբողջ ուժով կառչած էին հնին, նորը, ժամանակակիցը մերժում էին, զբաղված էին հնության որոհմամով, փրկությունը դարավոր չիշատակների անխախտ պահպանման մեջ էին տեսնում: «...Կլանող հոսանքին դիմադրող ուժը պիտի լինի կրոնական, եկեղեցական, բնատանական, հասարակական առանձնահատկությունը, զրականությունը և լեզուն, յուր մարտը ազոային ոճով և դարձվածքներով, և մինչև իսկ հնությունը և արտաքին տարազները...»⁵, — գրում է «Մեղու Հայաստանի» խմբագիր Պետրոս Սիմոնյանը:

«Մեղու Հայաստանին» հատուկ և սլարդ արտահայտելով պահպանողական հայացքը, կարծում է, որ ամեն ինչ լավ կլինի, եթե եղածը անխախտ մնա: Եվ նոր բան մուտք չգործի հայ իրականության մեջ:

Պահպանողականների նպատակից զուրս է նկատել, որ ժամանակները փոխվում են, նորանոր պահանջներ են առաջ գալիս, և մարդիկ պետք է պատասխան տան, բավարարեն այդ պահանջները:

«Միշտ ղեպի առաջ» գրում է Արծրունին — որը միշտ առաջ է գնում:

⁴ Նույն աեգում, № 1, 1891:

⁵ «Մեղու Հայաստանի», № 3, 1891:

սական և կենդանական աշխարհը, բուսական և կենդանական բոլոր տեսակները, երկրի մակերևույթը՝ Փոխվում են նաև մարդու հոգեկան երևույթները, ազգերն ու ժողովուրդները, բնության և հասարակության մասին մարդկանց դիտելիքները՝ ժժժ մենք քննական աչքով նայենք բնության երևույթների, թե մարդկության պատմության ընթացքի, թե անհատի հոգևոր կյանքի վերաբերյալ, — մենք կհամոզվենք, — գրում է Արծրունին, — որ ոչ մի տեղ, ոչ օրգանակա՞ն և ոչ անօրգանական բնության մեջ չկա անշարժություն: Ոչ թե միայն բույսերի ու կենդանիների կյանքի մեջ անդադար շարժում կա, ոչ թե միայն բույսերը և կենդանիները ծնվում են, մեծանում են և մեռնում են, — բայց և անօրգանական բնության մեջ նշմարվում է անընդհատ շարժում կամ կոիվ: Քարերը օդի ազդեցության տակ աճող հատ հողմահարվում են (մաշվում են), երկրի մակերևույթը փոփոխվում է իր ձևը և տեսքը, թե ջրերի, թե երկրազնդի ներքին կրակի զորության ազդեցությամբ: Երկրագունդը շարունակ կերպարափոխություն է ընթացքի մեջ է գտնվում¹⁰:

Շարժման համայնապարփակությունը մատնանիչ անելով, Արծրունին այս չի բավարարում որպես միայն պարզ առաջխաղացում ժամանակի և տարածության մեջ: Շարժումը ամենից առաջ կոիվ է, պայքար, որ տանում է անկատարից դեպի կատարյալը, պարզից դեպի բարդը և այդ հավերժորեն, առանց ընդհատվելու «Որտեղ որ նայենք, — գրում է Արծրունին, — մենք ոչ մի տեղ, ոչ բնության, ոչ մարդկային պատմության երևույթների, ոչ կենդանիների կազմակերպության, ոչ ևս անօրգանական (անշունչ) բնության, ոչ մարդի հոգևոր կյանքի մեջ, չենք պատահիլ կատարելատիպի (կատարելագործության)»: Բայց ամեն տեղ կենկատենք մշտնջենավոր ձգտումն դեպի կատարելագործությունը¹¹: Նկատենք, որ Արծրունին մեթոդ է կատարելությունը, վերջինս համարելով մահ: Իրոք, եթե բնությունը և հասարակությունը մենք մի րոպե պատկերացնենք «կատարելության» հասած, ուրեմն զարգացման հնարավորություն էլ սպառված կտեսնենք:

Բնությունը և հասարակությունը իրենցից կենդանացնեն կատարյալ անշարժությունների մի թանգարան:

Զարգացման, պրոգրեսի կողմնակից Արծրունին պահանջում է, որ փոփոխվեն նաև հասարակության մեջ գործող իրավական օրենքները, օրենսդրությունները, համապատասխանեցվեն հասարակության, մարդկանց փոփոխված, այլ դարձած պահանջներին, համապատասխան ժամանակի ոգուն: Ամեն մի օրենսդրություն աչքի առաջ պետք է ունենա կյանքի բարօրությունը, մարդկային թե հավաքական և թե տնտեսական երջանկությունը. «Բայց օրենսդրությունն անկարող է իր այդ նպատակին հասնել, եթե նկատի չառնի հայտնի ժամանակի հասարակական կյանքի պայմանները: Բայց որովհետև մի բոլոր հասարակության կյանքի պայմանները ժամանակի ընթացքում փոխվում են, դրա հետ միասին փոխվում են և հասարակական պահանջները, — ուրեմն հասարակական կյանքի պայմանների և պահանջների փոփոխության համեմատ՝ պիտի փոփոխվի, բարեփոխվի, կատարելագործվի և օրենսդրությունը¹²:

Գր. Արծրունին զայրույթով դատապարտում է ունակցիոններ Սերգեևսկու

¹⁰ Գ. Ա. Բ. Բ. Բ. Բ. աշխատությունները, հ. 1, էջ 368 - 369:

¹¹ Նույն աղբյուր, էջ 369 - 370:

¹² Գ. Ա. և Մշակ, № 10, 1891:

«Наказание в русском праве XVII века» հենց նոր լույս տեսած աշխատությունը, այն համարում արսուրդ: Սերգենսկին իր դրոշմ քարոզում է վերականգնել «համապարտ պատասխանատվության» օրենքը, որը եղել է XVII դարում՝ Ռուսաստանում: Սերգենսկին պնդում է, որ երբ խարխլվում է կառավարողների հեղինակությունը, պետք է դիմել ամեն տեսակի, այդ թվում «համապարտ պատասխանատվության» միջոցին, այն վերականգնելու համար: Նա առաջարկում է օրինակներ վերցնել նաև չինական պատժի հին ձևերից: Սերգենսկու կարծիքով չարապործին չպտնելու դեպքում հարկավոր է նրա մեղավորներին պատժել, մահվան դատապարտել՝ սաքսափ տարածելու՝ կառավարվածների աչքում կառավարողների հեղինակությունը անխախտ պահելու համար: «Ավելի մեծ և հրեշավոր արսուրդին կամ անմտության չէր կարող հասնել ուսումնական իրեն անվանող մարդը»¹³, — եզրակացնում է Գր. Արծրունին:

Արծրունին ասում է. նոր լույս տեսած գրքի մասին շարժեր խոսել «...եթև այդ գիրքը իր ուղղությամբ չը ներկայացնեի մի հայտնի ետադեմ նեղ շրջանի «գին ու ձգտումները, որոնք այժմ հետզհետե տիրապետող են դառնում մեր գիտության մեջ»¹⁴: Պարզ է, որ Արծրունու զայրույթը չի ուղղված միայն Սերգենսկու, այլ հետադիմության, հետադեմ գիտնականների, ըստ էության կառավարողների շահերը արտահայտող, պոլյություն ունեցող իշխանության ամրապնդմամբ տոգորված, իշխանությունների առաջ ստորաքարշություն անող մարդկանց ամբողջ խմբի դեմ:

Արծրունին կովելով ֆեոդալական, արսուլյուտիստական անցյալ ժամանակների կամայականությունը վերածնել ցանկացող Սերգենսկու դեմ, ելնում է բուրժուական դեմոկրատիայի դիրքերից: Նա խիստ դատապարտում է այն իրավաբաններին, որոնք օրենսդիրը ձեռներն առած, կյանքը գտնում են նրա մեջ: Որևորի ուժով կարող է այս կամ այն երևույթը «վերացված» լինել և կառավարված», բայց իրականում՝ մնա կամ չքանա, ասում է Արծրունին: Որևորով վերացված էր ճորտատիրությունը, բայց իրականում նա մնում էր ուժի մեջ:

1861 թ. փետրվարի 19-ին, պրում է Գր. Արծրունին, ցարը մանիֆեստով վերացրեց Ռուսաստանում ճորտությունը, բայց այդ բնով էլ չի նշանակում, որ ճորտությունը վերացված է, չկան ճորտեր և կալվածատերեր՝ իրենց տնտեսական, բարոյական հարաբերություններով: Նկարագրելով Ռուսաստանի սոցիալական պատկերը, երբ ժողովրդի կեսը կատարյալ ստրուկ էր, կեսը՝ ստրկատեր, նշելով ճորտերի ազտապրման օրենքը, Արծրունին դրում է Ռուս հասարակությունը այս բոսկիս դեռևս բաղկացած է երեսուն տարի սրանից առաջ իրար թշնամի եղած երկու հզոր ուժերից, որոնցից մեկը նոր է կորցրել իր ստրկատիրոջ իրավունքը, իսկ մյուսը նոր է ձեռք բերել իր քաղաքացիական իրավունքները¹⁵: Բայց «...օրենքի խոսքը չէ կարող դյուրակալ գործությամբ երեսուն տարվա կարճ միջոցում բնաջինջ անել դարավոր ավանդությամբ արմատացած գաղափարներն ու կյանքի եղանակը»: Արծրունին ուսույնիստ մտածող է, նա օրենքը և իրականությունը չի նույնացնում: Նա պայքարում է այն օրենքների դեմ, որոնք հասարակությանը տանում են դեպի հետ, խոչընդոտում են առաջադիմական շարժումը, պրոպրետարի կոռուպցիայությունը:

¹³ Նույն տեղում, № 36, 1858:

¹⁴ Նույն տեղում:

¹⁵ Նույն տեղում, № 23, 1861:

մեկ է՝ օրենքները պետք է այնպիսին լինեն, որ նպաստեն ճորտատիրության վերացմանը:

Գիտությունն էլ չի կարող կանգ առնել ձեռք բերված աստիճանի վրա, նա էլ պետք է ավելի ու ավելի կատարելալ դառնա, որովհետև «Առաջադիմությունը, այսինքն անդադար ձգտումն զեպի կառարկագործության ամեն մի հասարակական էակի, ամեն մի հիմնարկության, ամբողջ պետությունների անհրաժեշտ, մահու ու կյանքի պայմանն է»¹⁶. — Եղրակացնում է Արծրունին:

Մենք առայժմ շարադրեցինք շարժման, զարգացման մասին Արծրունու մի բանի մտքերը: Հարց է առաջ գալիս, ի՞նչ ուժ է շարժման մեջ դնում ամբողջ պոլություն ունեցողը — բնությունը և հասարակական կյանքը, մարդկային միտքը և գիտությունը: Այդ հարցի պատասխանը կարևոր է մտածողի փիլիսոփայական աշխարհայացքը բնութագրելու համար: Մի բան հայտնի է, որ երբեք և ոչ մի առիթով Արծրունին չի դիմում բնությունից, հասարակությունից դուրս գտնվող որևէ «ուժի» և ոչ էլ ակնարկում աստվածային պոտենցիան, արարչագործական ակտը: Բայց մենք նկատեցինք, որ ըստ Արծրունու, երկրազնդի մակերեսի փոփոխությունները կատարվում են շողմնահարման և ներքին կրակի զորության ազդեցության տակ, բուսական և կենդանական տեսակները փոփոխվում են իրենց ներսում ունեցած շարժման, «կռվի» միջոցով, հասարակական կյանքում պահպանողականության և առաջադիմության միջև եղած պայքարի միջոցով և այլն և այլն և «...կա կյանք առանց նյութի անդադար փոխանակության»¹⁷: Շարժվողը և զարգացողը նյութն է, նյութական աշխարհը: Բնությունը և հասարակությունը նյութական է, շարժումը նյութի շարժումն է, այս է Արծրունու մտքերի ընթացքը:

Արծրունին պահանջում է, որ կյանքում ամեն ինչ վերանորոգվի, հնի նացածի փոխարեն նորը հանդես գա, քանդելու հետ միասին նորը շինվի, բայց ի՞նչ ձևով, ի՞նչ եղանակով: Հինը ոչնչացնել ռեոլյուցիոն եղանակով, կենտրոնացած հարվածով, միանգամից, թե՛ հնի մեջ նորը ներառելով, հինը վերանորոգելով, աստիճանաբար թաքմություն մտցնելով: Արծրունին կանգնած է վերջին տեսակետի՝ էվոլյուցիոն տեսակետի վրա: Նա մերժում է ռեոլյուցիան, նա բացասում է «արյունոտ» ռեոլյուցիաները հասարակական կյանքում, նա կողմնակից է բռնության դեմ պայքարելուն, նա կանգնած է ազատության կողմը, դրվատում է ազատությունը, բայց կարծում է, որ ազատությունը միանգամից չի կարող գալ, ավելին ու ժողովուրդները բռնությունից ազատության անցնել չեն կարող միանգամից, ռեոլյուցիայի միջոցով: Այդ անուամբ հնարավոր է աստիճան առ աստիճան, հինը վերանորոգելու, նորին նախապատրաստվելու միջոցով: Ռեոլյուցիայի մասին նա դատում է բուրժուական մտածողների շրջանում մինչև օրս էլ լայն շրջանառություն ունեցող հակադիտական այն բմբռնման համաձայն, որ իբրև թե ռեոլյուցիան միայն բռնություն է: «Առհասարակ դժվար է, անհնարին է ամեն ժողովրդի համար առանց փոքր առ փոքր պատրաստվելու, առանց աստիճան առ աստիճան զարգանալու և վերանորոգվելու, միանգամից անցնել ամենաձայրահեղ բռնությունից զեպի ազատ քաղաքական ինքնավարության ձևը»¹⁸:

¹⁶ Նույն տեղում, 30 1872:

¹⁷ Նույն տեղում, № 34, 1873, բնագրումը մերն է — Ա. Բ.:

¹⁸ Նույն տեղում, № 18, 1877:

Արծրունին օրգանական ատելություն տածելով դեպի ամեն կարգի բռնությունը, չհասկացավ, որ սոցիալական ռեոլյուցիան ոչ միայն բռնությունն է, այլև սոցիալական արմատական միջոց: Նրա կարծիքով ազդերը չպետք է խանգարեն իրար բռնի միջոցներով: Ոչ թե բռնությունը, այլ ազատ մրցությունը պետք է լինի առաջադիմության միջոցը: Ամեն մեկը զարգանալով, թույլ պիտի տա զարգանալ նաև մյուսին: Այլ խոսքով՝ Արծրունին քարոզում է՝ ապրիր և ուրիշին էլ թույլ տուր ապրել: Սա հասարակական սկիզբն է (սկզբունքն — Ա. Բ.), սա ազատ մրցության սկիզբն է:

Դեմ լինելով անարդարության և բռնության վրա հիմնված կարգերը սեռ-լուցիկոն ճանապարհով վերացնելուն, այնուամենայնիվ նա չի քարոզում անտրտուն ջարդ տալ իր դոյությունը: Համաձայնվել գոյությունն ունեցող դոյության հետ: Մի մարդ, որ կանգնած էր պրոպրետի կողմում, այդ իրեն թույլ տալ չէր կարող, այլապես նա պետք է ֆատալիզմի դեմ կոմոդից ֆատալիստ դառնար և պահպանողականության դեմ կոմոդից՝ պահպանողական: Արծրունին պիտակցում է, որ «Ո՛չ, մարդը երբևէ չի գրկի իրեն մի իրավունքից: Ծորտատերերը երբևէ իրանք չեն ազատում իրանց ստրուկներին, մինչև որ տերությունը չի ստիպի նոցա այդ անելու, կամ իրան՝ ապստամբված ճորտերը»¹⁹: Արծրունին գտնում է, որ չի կարելի առկա վիճակից գոհ լինել: «Դժգոհությունը առաջադիմության մղողն է», առաջնորդողում նա գտնում է, որ միայն ֆիզիկապես թույլ, բարոյապես անհաստատ, մտավորապես բնական ընդունակությունները կորցրած, փչացած, բթացած սերունդը կարող է իր վիճակից գոհ լինել, բավարարվել իր պրոյեկտներ: Եթե մուրացկանը գոհ լինելու իր ցնցոտուց, բանվորը իր հաց ու պանրից, ուսում առած կարծեսցալը՝ իր տգիտությունից, նա միշտ կմնար անշարժ: Սա առաջադիմության կոչ է, առանց պայքարի կոնկրետ միջոցները ցույց տալու: Արծրունին ասում է՝ «Մենք չենք տեսնի մեր դժգոհության արդյունքները, բայց ճանապարհ կրացնենք ապագա սերունդների համար»:

Ենչիրդադես (Բաֆիի) նույն ոգով է հանդես գալիս: Նա «Ինքնախաբեություն» հոդվածում հայերի թերությունն է համարում այն, որ նրանք ինքնախաբեության մեջ են, միշտ լավն են տեսնում, չգիտեն, չեն տեսնում իրենց (ազգի) թերությունները, ինքնահանաչողությունից զուրկ են:

Առաջադիմությունը միայն նորը ստեղծելով չի սահմանափակվում: Եթե նորը հոգացողության առարկա չլինի, պարբերաբար շնորոգվի, չհղորացվի, նա կընկնի, կանհետանա: Վերանորոգումը պետք է տեղի ունենա ժամանակի պահանջը հաշվի առնելով: «Ստեղծել բավական չէ, պետք է նույնպես պահպանել, անդադար վերանորոգել ստեղծածը: Այդ բավական չէ, պետք է անդադար վերանորոգել ժամանակի պահանջին համեմատ»²⁰:

Արծրունին ասում է, եթե մի հիմնարկություն է առաջ գալիս, ասենք 1825 թ., և չի վերակառուցվում տվյալ ժամանակի պահանջներին համապատասխան, չի վերանորոգվում, ժամանակի ընթացքում անախորհիզմ է դառնում, իր նպատակին չի կարող ծառայել, կոչնչանա: Իր ասածը հիմնավորելու համար օրինակ է բերում. ինչպես ամեն մի կազմվածք կարելի է պահպանել

¹⁹ Նույն տեղում, № 25, 1874:

²⁰ Նույն տեղում, № 19, 1872: (Նդգծումը մերն է — Ա. Բ.):

²¹ Նույն տեղում, № 184, 1878:

առջին օր նրան նոր սնունդ տալով, «...այնպես էլ մարդկային կազմակերպված հասարակության, ազգի գոյությունը պահպանելու համար պետք է անընդհատաբար առաջարկել, պատվաստել նրան, մտցնել նրա կյանքի մեջ նոր մտքեր, նոր իդեալներ, նոր ուժեր, նոր տարրեր, նոր երևույթներ, նոր հաստատություններ, նոր հասարակական կազմակերպություններ... Իսկ դրա համար, այսինքն, նոր մտցնելու, նորը իրագործելու համար, նախ և առաջ - պետք է անդադար չեղադրուել, քննադատել հինը, վերացնել այդ հինը և նրա տեղը անդադար չորը դնել: Այն բուսկից, երբ կըզադարեր այդ անել, — կյանքն էլ ինքն իրան կզադարի հասարակական կազմակերպության մեջ, ինչպես օրգանական մարմնի մեջ կզադարի կյանքն այն օրից. երբ դուք կատարելապես կզադարեալ այդ մարմնին որևէ կերակուր տալ»²²:

Մեկնելով այդ տեսական ըմբռնումից, Արծրունին գտնում է, որ հին աշխարհի ստրկատիրական պետությունների կործանման պատճառներից մեկն էլ այն էր, որ նրանք ավելի շատ սպառում էին, քան նորն ստեղծում. նրանք անխնա կերպով օգտագործում էին հողը, մարդկանց, ստրուկների էներգիան և հող չէին տանում այն բարելավելու համար: Նոր աշխարհը, գրում է Արծրունին, «...ախտաբույժ է անդադար վերականգնեցնել սպառված ուժերը, հասկանալով բնական, օրգանական օրենքը, որ չկա կյանք առանց նյութի անդադար փոփոխականության»²³: Այդ նոր աշխարհը ժամանակակից, քաղաքակիրթ աշխարհն է: Նվաճա հայերն էլ, որպես քաղաքակիրթ ժողովուրդ, պետք է սպասելուց բացի, ստեղծեն, քանդելուց բացի, շինեն:

Արծրունին տեսական դրույթներից գործնական եզրակացություններ է հանում: Նրան չի բավարարում գոյություն ունեցողը: Նա առաջարկում է փոխել վերափոխել այն ամենը, ինչ հնացած է, որ դարձն արդած, ժամանակավրեպ: Հենց դրա համար էլ հակառակորդները նրան անվանում էին քանդող, հայկական կյանքի դարավոր հիմքերն ու տրագիկիաները ոչնչացնող:

Արծրունին մեղադրում է հայ պաշտպանողական մամուլը, որ քարոզում է լիբերալ, որպես կրթության ու դաստիարակության միջոց, և ընդօրինակման արժանի առաջարկում է մեր պատմության միայն վաղ շրջանը: Պաշտպանականները անհաշտ էին նորի հետ, համարելով այն օտարամուտ, արյատար, այլաժան: Հայկական ոգուն անհարապատ, ուրեմն և մերժելի: Պաշտպանողականները, վրտակցարար, հանուն հայկական կյանքի ատրիբուտների անխառն ու անփոփոխ պահպանման, դեմ էին դնում զարգացմանը, իրականում արգելակում էին առաջադիմությունը: Արծրունին իրավադի է, երբ նրանց ուղղությունը բացարձակապես է համարում:

Պաշտպանողականները իրոք չառաջադրեցին հայկական կյանքում գոյություն ունեցող հիմնարկների, բարոյական նորմաների, լեզվի, ոճի, կրթության ու դպրոցի, դաստիարակության, եկեղեցու ոչ մի փոփոխություն: Պաշտպանական եկեղեցին, ինչպես որ կա, պահպանել «աստվածային» դրաբարը (երբ նույնիսկ իրենք հարկադրված էին գրել աշխարհարարով), կազմում էր նրանց հավատալիքի անդամակերպ: Ո՛հ երբ հասարակական կյանքի դեկավարները, — ասում է Արծրունին, — ուղղում են որ ազգը սարկերով մնա միևնույն անշարժ դրության մեջ:

²² Նույն տեղում, № 119, 1886.

²³ Նույն տեղում, № 34, 1873: Ընդգծումը մերն է - Ա. Բ.

մեկի այն մտավոր ու հոգեկան սնունդով, որ նա րնդունել է մի ժամանակ, այն է երրորդ, չորրորդ կամ հինգերորդ դարում»²⁴։

Ինչպես նկատել էնք, Արծրունին ողջ օրգանական և անօրգանական աշխարհը դիտում է շարժման, զարգացման, «կովի» մեջ։ «Կյանքը՝ կոիվ է, մարտումն է։ Ննարավոր երջանկության համար, ամենաանհրաժեշտ մարդկային իրավունքների համար, Ննարավոր նյութական բարօրության համար, կյանքը մշտական կոիվ է թե մասնավոր և թե հավաքական առաջադիմության համար. կյանքը անընդհատ ձգտումն է զեպի լույսը, զեպի լուսավորությունը»²⁵։

Երջանկության, մարդկային իրավունքների և լուսավորության համար պայքարը տեղի է ունենում Ննի և նորի միջև։ Հինը և նորը անհաշտ են իրար նկատմամբ, Ննի հաղթահարման համար պետք է կանգնել նորի կողմը, «...Ննի դեմ մարտելու, պատերազմելու համար՝ պետք է հայտնել նորը, որպեսզի հինը նորոգվի, անշարժությունը շարժում դառնա, մեռելությունը կյանք դառնա»²⁶։ Արծրունին ասում է՝ միայն հինը քարոզողները կարող են համերաշխ լինել հասարակության հետ, իսկ նորը քարոզողներին վիճակված է կոժել։

Ննի ու նորի միջև պայքարը հավերժական է։ Նորի երևան գալը և հաղթանակը, պրոգրեսը օղ պայքարի արդյունքն է։ Որքան նորը չէ՝ կարող ձևոր ձևորի տված հինի հետ ընթանալ։ Հասկանալի է, որ մեր շորս տարվա գործունեության մեջ մենք պետք է բացարձակ պատերազմ հայտնենք հին սերունդին, — գրում է Պր. Արծրունին։

Ննի և նորի միջև բացարձակ, անհաշտ պայքարը չի ժխտում նրանց միջև եղած կապը։ Եթե հինը իր զգալի մասով մտնում է նորի մեջ, նախապատրաստում է նորը, նորը իր հերթին բուխում է Ննի մեջ, այլ մասամբ մերձեցում կատարելագործում է անցյալը։ Մյուս կողմից՝ ներկայի մեջ կան նոր երևույթներ, ծնվում և առաջ են գալիս նոր տարրեր, որ բուխում են Ննի մեջ։ Եթե և ըստ երևույթին անցյալը մեծ մասով չէ համաձայնում ներկայի հետ, բայց զարձակ մեծ կապ կա նոցա մեջ. անցյալը պատրաստում է ներկան, իսկ ներկան կատարելագործում է անցյալը, բուխ, ինչ որ կար անցյալում, կ'գտնվի և ներկայի մեջ, — բայց շատ բաներ պիտի ծնվեն ներկայում, որոնց չէր հանաչում անցյալը... նոր սերունդը հին սերնդի հետևանքն է»²⁷։ Իր հերթին, — գրում է Արծրունին, — յուրաքանչյուր հասարակություն պիտի նայե ապագա սերունդի վրա, որպես իր շարունակողի վրա»²⁸։

Հինը վերադարձնում և նորը առաջադիմելու համար պետք է քննադատել և այն էլ խստությամբ քննադատել կյանքի հնացած ձևերը, առաջադիմությունը խոչընդոտող միասնակար երևույթները, որպեսզի ծնվի նորը, որպեսզի գրականության, կյանքի մեջ առաջ գա խիստ, անխնա, քննող, մտրակող ուղղությունը։ Բայց ուրիշ կերպ սնկարելի է, — գրում է Արծրունին, — մի ազգի, մի հասարակության բարոյական, հոգեկան և մտավոր վերածնության զարագլուխը սկսվում է միշտ խիստ և անխնա ինքնաքննությամբ»²⁹։

²⁴ Նույն տեղում, № 116, 1886։

²⁵ Նույն տեղում, № 1, 1891։

²⁶ Նույն տեղում, № 50, 1890։

²⁷ Տե՛ս Մշակ, № 13, 1873։

²⁸ Կ Ր Ի Պ Ր Ք Ա Ր Ժ Ր Ո Ն Ո Ն աշխատություններ, հ. 1, էջ 237։

²⁹ Տե՛ս Մշակ, № 34, 1873։

³⁰ Նույն տեղում, № 116, 1886։

Ինչպես հասկանալ հնի դեմ կոիվր, մաքառումը, որ մշտապես պիտի տեղի ունենա: Հինը պետք է ոչնչացվի՝ բացահայտ կովում, ուժով արմատախիլ արվի: Եւ Արծրունին հավատարիմ վերանորոգման, քայլ առ քայլ հաղթահարման իր թևորիային, առաջարկում է նույնիսկ շանթել հինը, թշնամություն չանել հնի հետ, այլ մրցել, քննադատել: «Փոխանակ ուրիշների արդյունքը ոչնչացնելու, ես կարող եմ մրցություն հարուցանել...»³¹, — գրում է նա:

Այդպես էր ասում Արծրունին իր գործունեության սկզբում, մինչմշակյան շրջանում: Հետագայում էլ նա չհրաժարվելով ազատ մրցության գաղափարից, որպես պրոգրեսի միջոց, զանգատվում է, որ մեզ մոտ դեռ չկա դրա հնարավորությունը, որ դեմ առ դեմ մենք կանգնած ենք եսասեր հին սերնդին, որ հասարակության շահ, առաջադիմություն չի հասկանում: Մեզ մոտ չկա խելացի եսականություն: Մարդը չի հասկանում, որ մտածելով ուրիշի մասին, մտածում է և իր մասին: Նա անտարբեր է, ուրիշների ցավերին ու կարիքներին, նա չի մտածում ճահիճը ախտահանելու, չորացնելու մասին: Ճահճի մեջ ապրելով նա մտածում է միայն իր տունը ախտահանելու մասին, նա չի օգնում ուրիշներին՝ միասին պայքարելու խոլերայի դեմ, նա աշխատում է միայն իրեն պերժ պահել վարակից, չհոսկանալով, որ եթե շրջապատող աղտոտ է, դու էլ փրկվել չես կարող: Երբ մարդը հոգում է ուրիշների մասին, նա դրանով հոգում է և իր մասին, իսկ երբ անտարբեր է դեպի ուրիշների ցավերը, նա դրանով փրչիվերջո փնասում է և իրեն:

«Ճշմարիտ բարեգործությունը հիմնված է խելացի եսականության վրա, իսկ անտարբեր եսականությունը՝ ամենից շատ փնասում է նույնիսկ դեպի ուրիշները, դեպի մեծամասնությունը անտարբեր, անփութ կերպով վերաբերվող մարդկանց»³²:

Ահա ինչու թեև ձկառ Վուրջյունը շատ զեղեցիկ բան է զարգացած, բազաքակիրթ, ինքնաճանաչության բարձր աստիճանի հասած հասարակության մեջ³³, բայց մեզ մոտ, ուր բանական եսասիրության փոխարեն իշխում է մոլի եսականությունը, դժվար է մրցովյալ մաք գնալ, պետք է անողորմ, մտրակող քննադատություն:

Հնի դեմ պայքարում Արծրունին տեսնում է մեծ դժվարություն: Նա նկատում է, որ խաղաղ մրցակցությունը անհրաժեշտ է, անհրաժեշտ է քննադատությունը, բայց ինչ անել, երբ հինը տեղի չի տալիս նորին այդ միջոցներով: Այդ իսկ հանգամանքից ստիպված, Արծրունին էլ ավելի վճռական շեշտ է պնդում հնի դեմ իր պայքարում: Նա գտնում է, որ երբ հին հաստատություններն ու հիմնարկները ժամանակի պահանջների համեմատ վերանորոգվել չեն ուղղում, կամ չեն կարող և դիմադրում ու խանգարում են հասարակությանը, ազդությանը ապահովել իր երջանկությունը, «ներանք իսպառ պետք է անհետանան», հասարակությունը պետք է ազատվի «մեռնող հաստատությունների մեռցնող ազդեցությունից», որպեսզի հնարավորություն ստանա մասնակցել բազաքակիրթության բնահանուր գործին: Արծրունին ասում է, «Մշակը» այդ հասկացավ և շարունակ իր կարողության չափ անողորմ քննադատության էր մեթարկում հայոց հասարակական կյանքը, հայի այն բոլոր հասարակական

³¹ Գրիգոր Արծրունու աշխատությունները, հ. 1, էջ 260:

³² Գ. Ա. «Մշակ», № 163, 1888:

³³ Նույն տեղում, № 64, 1888:

հաստատությունները, որոնք դարերից ի վեր անշարժ մնալով իրենց ասիական անփոփոխ ձևերի մեջ՝ ստեղծել են, բարացան այդ անշարժության մեջ և իրանք կորցրած լինելով առաջադիմելու ուրեք ընդունակություն, միևնույն ժամանակ ամենամեծ խոչընդոտներ էին դնում հայ անհատի մտավոր, ազատ, մարդավայել, բաղադրական զարգացմանը: Ուրեմն ռ...ում որ թանկ է մարդկային ոգու ազատությունը, — գրում է Արծրունին, — պետք է այնքան բաշխվուն ունենա, որ պահանջի մարդկային հոգեկան, մտավոր և բարոյական ազատ զարգացումը այդ ճնշող, կաշկանդող, խեղդող, դերող հաստատությունների արմատական վերանորոգությունը³⁴:

Պահանջվում է ոչ թե պարզապես վերանորոգություն՝ քայլ առ քայլ, այլ արմատական վերանորոգություն:

Բնութագրելով հին և նորի պայքարը Արծրունին գտնում է, որ հինը սովորաբար ավելի ուժեղ է նոր զարգանալ սկսող հասարակության մեջ: Հինը ունի իր տրադիցիաները, որոնք ամրապնդվել և ավանդության ուժով անցել են հետագա սերունդներին: Հին սերունդը իր ճնշման և հարստահարման մեջ վարպետացել է, յուրացրել է բոլոր անհրաժեշտ ձևերը, եղանակները, այն ինչ սոր սերունդը միայն նոր սկսելով իր և առհասարակ մարդկային իրավունքների պաշտպանությունը, անփորձ է և թույլ: Նվ ընդհանրապես ավելի հեշտ է ճնշելու հարստահարել, քան թե մարդու իրավունքները և անկախությունը պաշտպանել: Այդ դառն, անհերքելի ճշմարտություն է բոլոր դասակարգային հասարակությունների համար:

«Առաջադիմությունը կարող է ծնվել մի միայն քննադատությունից, ինքնաքննությունից, կրիտիկական, մտրակող ուղղությունից»:

Իսկ շովինիստական ուղղությունը, որ իրան նպատակ է դնում ամեն քայլի «մերն» է, թեկուզ այդ բանը հին, անպետք, փտած լինի, անպատճառ քշվել... միայն ժամանակավորապես կարող է գոյություն ունենալ³⁵: Նույն տեսակետի վրա կաճղնած էր նաև Բաշին:

Արծրունու իսկ բառերով ասած՝ «մտրակող ուղղությունը», «ինքնաքննությունը» ուժի, առողջության նշան է. «...այն ազգը, որ իրան բարոյապես բավական զորեղ է զգում, երբեք հարկավորություն չունի թաքցնել իր պակասությունները օտարի առաջ»³⁶:

Արծրունին ծաղրում է մեղավականներին, որոնք զբաղված էին միայն մեր ոսկե դարը՝ զրվատելով ու դաստիարակության նյութ շինելով, հայի անդյալի քաջությամբ, անվտանգությամբ սրանշանալով: Նրանք աչք փակեցին ներկայի չկաամամբ, քննադատական հայացք չունեցան անցյալի վերաբերյալ, ցնորքների գիրկն ընկան, չնկատեցին, որ այժմ հայր ստրուկ է, հարստահարող է, ևսասեր է, ասում է Արծրունին:

Արծրունու կարծիքով պահպանողականների բարոյականության քարոզը և ճարտասանական մեթոդը մեր երկիրն անցավ միջնադարյան եվրոպական սխոլաստներից: Սխոլաստները ամենուրեք, չլինելով հետադոտողներ, ուրեմն և գիտնական մարդիկ, իրենց նվիրում են բարոյի, որովհետև ռ...գիտությունից պարկ զուլսը միշտ հակումն ունի դեպի քարոզը³⁷:

³⁴ Նույն տեղում, № 149, 1888:

³⁵ Նույն տեղում, № 231, 1882:

³⁶ Նույն տեղում, № 30, 1873:

³⁷ Նույն տեղում, № 41, 1872:

«Մի ազգի հասարակական և քաղաքական վերածնությունը,— գրում է Արծրունին,— միշտ սկիզբ է առնում գրականական այն ձևից, որ անվանում են՝ ինֆանտիլիզմ»³⁸։ Ռուսաստանի վերածնությունը սկսվում է մտրակոզ Գոգոլից, Ֆրանսիայինը՝ Վոլտերից, Գերմանիայինը՝ Հայնեից,— ասում է Արծրունին։

Հայ իրականություն մեջ ինքնաքննությունը, բոլորովին, սկիզբ առավ հայոց խնդիրն հարուցվելուց քիչ առաջ և ձևավորվեց ունի կյանք և ապագա, թո՛ղ գրականությունը շարունակի այդ ուղղությամբ շարժվելու»³⁹։

Մենք նկատեցինք, որ Արծրունին պահանջում է ոչ միայն վերանորոգություն, այլև արմատական վերանորոգություն, երբ հին տեղի չի տալիս նորին «Արմատական վերանորոգության» իր այդ թեղը Արծրունին շտաբանեց առհասարակ, ամբողջ հասարակության վրա։ Նա սահմանափակվեց ազգային ազատագրական պայքարի, կոնկրետ կերպով՝ թուրքահայության ազգային ազատագրության շրջանակներում։ Նվ Արծրունին իրոք առաջադրեց իրադրությունը փոխելու համար արմատական միջոց։ Երբ սլավոնական ժողովուրդները — թուրքական բարբարոսության դարավոր դոճերը — ազգային ազատագրության դրոշմը բարձր ծածանելով մարտնչում էին լոնակալության դեմ՝ հանուն անկախության ու ազատության, լոնակալության երդվյալ թշնամի, հումանիտա, ազատարար Արծրունին հիացած նրանց պալլարով, քարոզեց հայերին՝ ի դեմս Զափաղանց բարձր գնահատելով ժողովուրդների խաղաղ, կուլտուրական բարգաշումը, ատելով ամեն տեսակի նվաճողական պատերազմները, ատելով նվաճող լոնակալ զորավարներին, մեղադրելով ժողովուրդներին, որոնք արձան են կանգնեցնում հազարների և միլիոնների արյունը թափող զորավարներին, կշտամբելով նաև իրեն այնքան սիրելի Հենրիխ Հայնեին, որ խունկ էր ձխում Նապոլեոն Բոնապարտին, նա ամսոսանքով նշում է, որ 19-րդ լուսավորված դարում ազատությունը կարելի է ձևորեն բերել միայն և միայն զինավորված կռիվով, ուժով ու արյունով, այնինչ հայերը կարծում են, թե խաղաղ աշխատանքով, կուլտուրական առաջադիմությամբ կարող են ազատվել բարբարոսությունից ու կամայականությունից։ «Դարավոր տանջանքներով, ամենօրյա աշխատանքով, կուլտուրական խաղաղ կռիվով, տոկոս կերպով մարտնչում են հայերը բարբարոսության և կամայականության, տգիտության և ֆանատիկության, մի խոսքով՝ լոնակալության դեմ։ Գուցե հայերին վիճակված է,— խոնիրայով ասում է Արծրունին,— իրենց բռնած ընթացքով ոչնչացնել այն մամանակակից բարոյական սկզբունքը, որ մեր լուսավորված տասն և իննևորդ դարում՝ ղեռնա տիրապետում է նվիրակայում, որ լուսավորված աշխարհի սկզբունքն ու ղեկըն է. «le minsurge, done je suis» — Ես ապստամբում եմ, ուրեմն ես ղոյություն ունեմ։ Բսկ հայերը կարծես ասում են. «Ես աշխատում եմ, ես տանջվում եմ, ուրեմն ես ղոյություն ունեմ»։ Ահա կարծես հայերի նշանաբանը»⁴⁰։ Կարող է թվալ, որ Արծրունին լոնությունը, զինավորված կռիվը, ապստամբությունը, մի խոսքով՝ պատերազմը, հասարակության, ազգերի զարգացման մշտական և նորմալ պայման է համարում։ Բնավ՝ ոչ, նա ցավով և ափսոսանքով է նշում զինված կռիվի անհրաժեշտությունը «Ցավալի է, բայց

³⁸ Նույն տեղում, № 123, 1888։

³⁹ Նույն տեղում։

⁴⁰ Գր. Արծրունի. Թուրքաց հայերի անտեսական գրությունը. Թիֆլիս, 1896, էջ 38։

այդպես է, միայն ղենքը, արյունը, բռնի ուժը, այդ հնացած միջոցները մեղսավորված դարում դին ունին մի ազգության գոյության մասին վկայելու⁴¹։ Մարդկության առաջընթացը պայմանավորվում է խաղաղ աշխատանքով, տնտեսական, կուլտուրական, մտավոր աշխատանքով, մարդկանց կյանքի գոյության համար նյութական բարիքներ արտադրելով։ Առաջադիմության համար անհրաժեշտ է թեկուզ «քայլ առ քայլ բարվոքել իր նյութական գոյությունը», — ասում է Արծրունին 1891 թ., որովհետև «մի ազգի տնտեսական կյանքից կախված է նրա մտավոր և բարոյական կացությունը»⁴²։ Խաղաղ, անընդմեջ տնտեսական, մտավոր, բարոյական զարգացումը զխաղաղ պայմանն է մի հասարակության, մի ազգի գոյությունը պահպանելու, նրա պրոգրեսը շարունակելու համար ընդհանրապես, բայց ոչ միշտ՝ էինում են մոմենտներ, երբ կոպիտ ուժը կարող է ընդհատել խաղաղ զարգացումը, իսկ մարդկանց ստրկացնել, նույնիսկ այն ղեկավարում, երբ կոպիտ ուժի կրողները իրենք գտնվում են զարգացման լիարժեք աստիճանի վրա։ Ուրեմն գոյություն ունենալու համար անհրաժեշտ է տնտեսական, կուլտուրական «ղենքի» հետ միասին ունենալ նաև պատերազմական, իսկական ղենք, բռնությանը՝ բռնությամբ պատասխանելու համար։ Մտավոր ուժի շնորհիվ կարելի է հաղթել միայն հետզհետե, անընդհատ, տոկուն աշխատանքով, բայց մի հայտնի ժամանակում բռնի ուժին դիմադրել մտավոր ուժը անհնարին է⁴³, այդ հնարավոր է երբ ազգը տնտեսական, մտավոր ուժի հետ կունենա «մի հայտնի չափով և ֆիզիկական ուժ»⁴⁴։ Նույն, 1878 թ. գրած «Գոյության համար կռիվ» առաջնորդողում Արծրունին գտնում է, թե ով իր բոլոր հույսը դնում է իր տնտեսական, մտավոր կարողության վրա, «խաղվում է, անհրաժեշտության դեպքում պետք է հենվել նաև ուժի վրա»։ 1879 թ. Արծրունին նկարագրելով հայերի օրհասական վիճակը, կանխագուշակում է, որ եթե իրադարձությունների ընթացքը չփոխվի, հայերը Թուրքահայաստանում կամ կոչնչանան, կամ կզագթեն։ Երկու դեպքում էլ Թուրքահայաստանը կդադարի գոյություն ունենալուց։ Դժբախտաբար այդպես էլ եղավ։

Արծրունին, որպես ունախտ մտածող, ոչ թե ողբասացությամբ է դբաղվում, այլ ժողովրդին կոչում է ազատության, ազատագրական մարտող պատերազմի։ Նա առաջարկում է իր աշտերնատիվը՝ կամ մահ կամ ազատություն, բրովենտե «Ազատությունը չէ կաբելի սովորել ստրկության մեջ. միայն ազատությունը վաճենքում է ազատության մեջ»⁴⁵։

Հայերի հույսերի իրագործման ճանապարհին լուսավոր եվրոպայի վրա նույն չէր դնում Գր. Արծրունին։ Նա խորապես հավատացած էր, որ Անգլիան, որի վրա «Մեղու Հայաստանին», «Նոր-դարը» նայում էին որպես ազատարարի, ստրկացնող է, ճնշող, շահագործող, գաղութացնող։

Արծրունին պայքարելով ճնշման, ստրկացման դեմ, ատելով բռնակալությունը, չէր էլնում միայն իր ժողովրդի նկատմամբ ունեցած սիրուց։ Նրա համար ճնշումը, շահագործումը ատելի է ամենուրեք։ Նա դատապարտում է Անգլիայի գաղութային քաղաքականությունը ու նրա գաղութարարական պատերազմները բուրժուական, գուլուսների, աֆղանների և այլ ժողովուրդների դեմ,

⁴¹ Գ. Ա., «Մշակ», № 138, 1880։

⁴² Նույն տեղում, № 100, 1891։

⁴³ Նույն տեղում, № 102, 1891։

⁴⁴ Նույն տեղում։

⁴⁵ Նույն տեղում, № 74, 1879։ Բնագծումը մերն է — Ա. Բ.

դատապարտում է Հյուսիսային Ամերիկայի հարավային նահանգների ստրկատերերին, սուլթանական թուրքականությունը, դատապարտում է սլավոնոգական «Սեղու Հայաստանին», որը հանգև էր գալիս Անգլիայի զաղութարարական քաղաքականության պաշտպանությամբ ու ճնշված գաղութացվող ժողովուրդներին կոչ էր անում, խորհուրդ էր տալիս չդիմադրել, չկռվել, այլ խոնարհաբար ընդունել զաղութարարի լուծը, չզրգուել նրա բարկությունը, ընդունել նրա բերած «լուսավորությունը»։ «Մեղու Հայաստանին» իր խմբագրական հոդվածում գովեստի, քաջալերանքի խոսքեր է շռայլում աֆղան ժողովրդի վրա քնդանոթներից կրակող, գյուղեր ամայացնող, ազատասիրության ու անկախության թշնամի անգլիական բանակին։ «Անգղիական զորքերը քաջ են», — գրում է Քերթը և խորհուրդ է տալիս Անգլիային խոհեմաբար վարվել՝ «ապահովելով յուր շահերն ավելի ամուր կերպով», ավելորդ չափով չզրգուել աֆղաններին, չխլել նրանց անկախությունը «ներքին վարչության մեջ», իսկ աֆղաններին՝ «աշտվել վիճակի հետ և ընդունել Անգլիայից իրանց ապագա կառավարության ձևն և իշխանը...»։ Թե ովքեր են զաղութարարները պարզ է, բայց ովքեր են սլավոնոգաֆաները, որոնք զեմ են թուրքահայ ժողովրդի ապստամբությանը՝ անկախություն և ազատություն նվաճելու համար, ովքեր են հայ ժողովրդին խորհուրդ տալիս համակերպվել իրենց վիճակի հետ, այդ բացատրում է Արծրունին։

Պահպանողականությունը որպես իդեոլոգիա, Արծրունու կարծիքով, արևմտահայտում էր ինչպես մեղ մատ, այնպես էլ այլուր, շահագործող, հարստաբարոզ դասակարգերի շահերն ու նկրտումները։

Երբ Արծրունին խոսելով Հայաստանի վրա Անգլիայի տիրապետություն հաստատելու ծրագրի մասին, պատապարտում է այն, գտնելով, որ դրանից միայն չի օգտվի հայ ժողովուրդը, այլև անդառնալիորեն կփնասվի Անգլիան ոչ միայն ազատություն չի բերի, այլև կաշխատի արմատացնել թուրքությունն ու շահագործումը, ինչպես նա այդ արել է իր մյուս գաղութներում, Հայաստանը կդարձնի մի նոր Հնդկաստան, կձգտի «...ուժ տալ ժողովրդի հաբուստ, հաբուստահաբող, տիրող, ուրեմն պանդանոզական դասակարգերին՝ ի փնաս ժողովրդի հարստահարվող մեծամասնությանը»⁴⁸, նա կաշխատի իրեն հենարան ստեղծել նվաճված Հայաստանում և կհենվի հարուստ, հարստահարող դասակարգերի վրա, նրանց նորանոր արտոնություններ ու իրավունքներ շնորհելով՝ իր տիրապետությունն այնտեղ ամուր դարձնելու համար։

Անգլիան նվաճելով Հայաստանը, կձգտի «...ստեղծել արվեստական կերպով մի ազնվական, արիստոկրատական դասակարգ, որպեսզի հեշտությամբ կարողանա կառավարել երկիրը և երկրի հաբուստահաբող պանդանոզական տարրի մեջ մի հաստատ նեցուկ գտնեն իրանց քաղաքականության համար»⁴⁹, Անգլիան ինքը կառավարվում է սլավոնոգական դասակարգերի կողմից, այնտեղ ժողովուրդը իրավազուրկ է ու ճնշված, շահագործվում է ու աղքատ է։ «Պարզ է, որ այդ տեսակ պետությունը միշտ հիմնվում է ժողովրդի սլավոնոգական տարրերի վրա։ Ժողովրդի ստորին դասի մեծամասնության իրավունքը զրեթե ոչինչ չէ այդ տեսակ պետության մեջ»⁵⁰։

⁴⁸ «Մեղու Հայաստանին», № 80, 1879։

⁴⁹ Գ. Ա. Մշակ, № 204, 1878։ Ընդգծումը մերն է — Ա. Բ.։

⁵⁰ Նույն տեղում Ընդգծումը մերն է — Ա. Բ.։

⁵¹ Նույն տեղում։

Հին սերունդը, որի դեմ Արծրունին կոչում է իր ամբողջ գիտակցական կյանքի ընթացքում, ոչ այլ որ է, քան շահագործող, հարստահարող պահպանողական դասակարգը, որը պինդ կանգնած է իր մի անգամ ընտրած սկզբի վրա՝ ձեռք, բռնադատել, հարստահարել, ոչնչացնել, աչքի առաջ ունենալով միայն իր անձնական ոգուտը, վայելչությունը, շահը... Նա հաստատ քայլերով և ուղիղ առաջ է գնում իր մի անգամ ընտրած նանապարհով⁵⁰։

Պահպանողականության, հին սերնդի բնութագիրը տրված է այնքան հստակ կերպով, որ մեկնարանությունների համար տեղ չի մնում։

Գր. Արծրունին ավելի առաջ է գնում նա չի բավարարվում լուր հայերին ապստամբության կոչելով, այլ միաժամանակ և դասակարգային պայքարի բարոյ է կարդում բոլոր հարստահարողների և շահագործողների դեմ, անկախ նրանց ազգային պատկանելիությունից։ Արծրունու կարծիքով Թուրքահայաստանում բազում տանջանքներ են կրում ոչ միայն հայերը և ոչ բոլոր հայերը։ Շահագործվում ու տառապում են նաև թուրք, քուրդ, ասորի, հույն և այլ ժողովուրդները։ Այդ տառապող ժողովուրդները որպեսզի ազատվեն, պետք է միանան (Թուրքահայաստանում) ու միասին պայքարեն թուրք, քուրդ, հայ և այլ ազգերի կալվածատերերի, բեկերի և առհասարակ շահագործողների, պահպանողական, հարստահարող դասակարգերի դեմ։ Արծրունին ազգը, տվյալ վայրում հայ ազգը, միատարր չի համարում։ Սոցիալական անհավասարություն, հարստահարում ու շահագործում գոյություն ունի հայ ազգի մեջ։ Հայ ազգի աղետ ու հարուստ դասակարգերը այնքան խորթ են իրար, որ նրանց մեջ չկա ու մի բարոյական կապ, ոչ մի համերաշխություն, «կարծես թե նրանք էրկու միմյանց հակառակ բանակներ են, երկու տաշրեր ազգություններ են»⁵¹։ Այդպես են և ուրիշ ազգերը, այսպես է և անգլիական ազգը։ Արծրունին դատապարտում է հայ բուրժուազիան (Կ. Պոլսի), կալվածատիրոջն ու կղերին՝ որպես շահագործողների ու հարստահարողների, որոնք միայն իրենց մասին են մտածում և խորթ են ժողովրդի շահերին։ Արծրունին գալիս է այն եզրակացության, որ հայը միայնակ զենքով էլ չի կարող ազատություն նվաճել, նա պետք է միանա մյուս ազգերի ճնշված մասսաների հետ, նրանց հետ միասին պայքարի և նրանց հետ էլ ազատվի բռնությունից։ «...Հայի թշնամին ոչ թե թուրքն է կամ քուրդը, ոչ թե ուրիշ ազգություններին պատկանող հայաստանցի լեռնակիշոր, այլ երկրի հարուստ դասակարգը, նրկրագործ հայը, երկրագործ թուրքը, ասորին և քուրդը միևնույն դրության մեջ են, բոլորն էլ համերաշխ շահեր ունեն։ Իսկ նրանց թշնամին է ոչ թե քուրդ հովիվը, բայց քուրդ կալվածատերը, քուրդ բեկը, նրանց թշնամին է հայ վաշխառու վաճառականը և թուրք մանր պաշտոնյա՛ն։ Ուրեմն, բոլոր հայաստանցիները՝ հայ, քուրդ, եզնդի, թուրք, ասորի, և այլն, պետք է միանային, պետք է հասկանային իրենց համերաշխությունը, պետք է բմբռնեն, որ նրանց ընդհանուր թշնամիներն են՝ կալվածատերը, վաշխառուն, պաշտոնյան»⁵²։ Այսպես է գրում Գրիգոր Արծրունին «Մեր հողությունը» բնորոշ վերնագիրը կրող առաջնորդողում։ Նման շատ մտքեր նա արտահայտել է ավելի առաջ։ 1882 թ. նա գրում է, «Հիմա նոր են սկսում հասկանալ, որ շատ անգամ հայը ավելի մեծ թշնամի է հային, քան թե քուրդը և

⁵⁰ Նույն տեղում, № 20, 1875։

⁵¹ Նույն տեղում, № 142, 1888։

⁵² Նույն տեղում, № 1, 1883։

թուրքը, նայելով թե որ դատակարգին է պատկանում հայր: Հայաստանցի թուրք երկրագործը, քուրդ հովիվը կամ քուրդ մշակ բանվորը չեն կարող երկրագործ, բանվոր, արհեստավոր հայի թշնամիներ լինել, քանի որ նրանց զիրքը, նրանց հարաբերությունները ղեպի հայ վաշխառուն, ղեպի թուրք տեղական պաշտոնյան, ղեպի քուրդ բեյը միատեսակ են:

Հայաստանցի հայ, թուրք և քուրդ ստորին դասի մարդիկ նույն չափով ճշգրտվում են հայ վաշխառուից, թուրք պաշտոնյայից և քուրդ բեյից, կամ քուրդ տվազակապետից: Ուրեմն երկրագործ, բանվոր, մշակ, արհեստավոր թուրքի, հայի, քուրդի մեջ համերաշխությունը, եղբայրությունը հնարավոր է, քանի որ նրանց բոլորի միճակը և շահերը մի են»⁵¹:

Պատահական է արդյո՞ք, որ Արծրունին Հայաստանի բնակիչ տարբեր ազգերի շահագործվող դասերին համերաշխության կոչ է անում՝ շահագործող դատակարգերի ղեմ կովկելու համար, որպես միակ պայման թուրքահայաստանի ազատագրման: Ո՛չ: Այդպիսի կոչը իր հիմքն ունի նրա աշխարհըմբռնման մեջ: Նրա կարծիքով, հասարակությունը չի կարող բարգավաճել, զարգանալ, երբ նա հիմնված է նակաղիր-շահագործող և շահագործվող դատակարգերի հարաբերության վրա: Ենե 1873 թ. նա գտնում էր, որ Հոռմի կործանումն տնխուսափելի էր, որովհետև այն հիմնված էր մի քանիսների արտոնության, իսկ մեծ մասի ստրկության վրա»⁵²:

Արծրունին համաձայն չէ եվրոպական և ռուսական մամուլի հետ, որը քուրդերի և հայերի հարաբերությունները բացատրում էր քուրդերի վայրենի լինելով, և գտնում է, որ ժողովուրդների, երկրների քաղաքական միճակը լավ բմբռնելու համար ճեպիս պետք է զիտել և ուսումնասիրել նույն երկրի տնտեսական միճակը»⁵³: Այդպիսի հայացքը նույնպես պատահական չէ: Արծրունին, որ փիլիսոփայության հիմնական հարցում մատերիալիստ է, այդ մատերիալիզմը շատ անգամ կիրառում է նաև հասարակության նկատմամբ: Նրա կարծիքով մարդիկ ազատ հայեցողությամբ չեն կերտում իրենց պատմությունը, նրանք իրենց գործունեության մեջ առաջնորդվում են իրենց նյութական պահանջներին, գոյության պայմաններին բավարարություն տալու նկատառումներով, և ամեն տեսակի իդեալներն ու բարոյական հասկացությունները խաբսխված են ձեռք բերված տնտեսական պայմանների օրոշակի աստիճանի վրա: «Մարդկությունն այնպես է ստեղծված, — գրում է Արծրունին, — որ նրա մեջ իդեալական կողմը առհասարակ շատ քիչ է զարգացած և շատ ուշ է զարգանում: Մարդիկ մեծ մասամբ մեծ թե փոքր գործեր են անում ղեպի լավը, կամ ղեպի վատն են ընթանում, զրդված լինելով զրական, նյութական, կենսական պահանջներից»⁵⁴: Նույն, 1881 թ., թուրքական բարբարոսությունից Հայաստանի ժողովուրդների ազատագրության ճանապարհին որպես առաջին քայլ նա առաջարկում է կազմակերպել և գլխավորել բոլոր ազգերի համերաշխության գործը՝ նրանց նյութական հարստահարությունից ազատ պահելու համար, որովհետև «...մարդկանց միմյանց մեջ համերաշխության զգացմունքը ծնվում է նախ և առաջ և գլխավորապես նյութական հողի վրա, իսկ բարոյական համերաշխության զաղափարներն ավելի ուշ են հասկացվում»⁵⁵:

⁵¹ Նույն տեղում, № 103, 1882:

⁵² Նույն տեղում, № 9, 1873:

⁵³ Նույն տեղում, № 100, 1880:

⁵⁴ Նույն տեղում, № 82, 1881:

⁵⁵ Նույն տեղում, № 341:

1877—78 թթ. Ռուս-տաճկական պատերազմից հետո սաստիկ սով առաջ եկավ Ռուրիկաշայաստանում և բնականաբար առաջին հերթին աղետի մատնվեցին աշխատավոր, չքավոր գյուղացիները: Նրանք սկսեցին ամենացածր ղներով ծախել իրենց հողերը՝ սովից փրկվելու համար: Գնողները մեծ մասամբ այն կալվածատերերն ու վաշխառուներն էին: Արժույթին այս ղեկավարումն էլ հանդես եկավ աշխատավոր գյուղացուն պաշտպանելու կոչով: Նա առաջարկեց բարեգործական ընկերություն հիմնել և նրա հավաքած փողերով գնել լժան ծախվող հողը և այնուհետև ձրիորեն բաժանել աշխատավոր գյուղացիներին: Հողը ունեւոր վաշխառուներից օտարել: Դա հողը՝ աշխատավորին, հողը՝ մշակողին պատկանելու ղաղափարի միակ արտահայտությունը ղլ: Նա ընդհանրապես այդ տեսակետին էր, բայց անհնարին է համարում տիրող հանգամանքներում Ռուսահայաստանում այդ իրականացնել, ղրա համար էլ բռնում էր այլ ուղի: Մահից քիչ ժամանակ առաջ, 1892 թ., Արժույթին հանդես եկավ «Հողի հարցը» առաջնորդող հովանավարով և առանց երկմտության պաշտպանեց հողի հարցի նախադրականան լուծումը, այն համարելով «կատարելապես արդար, իրավացի և օգտավետ» միայն թե «տարածամաս Հողի համայնացման մասին «Հյուսիսսովետի» նախադրյանի «...այդ մտքերը տարածում են եղել, քանի որ երկրի տնտեսական հանգամանքները միջոց ղին տալիս հայտնած մտքերն իրագործելու, որրան և այդ մտքերը գեղեցիկ, ճշմարիտ և «օգտավետ եղած լինեն... Պետք է որ հասարակաց կարծիքը հասունանա, որուեսդի մտքերն ղմբռնվեն: Այդ բավական ղլ. պետք է հանգամանքները փոփոփեն, բարվորվեն, ինքր կյանքը հասունանա, որպեսդի իրագործվի այն, ինչ որ բարոգում էր (Նախադրյանը—Ա. Բ.) քսան և հինգ տարի առաջ, այն ինչ որ կատարելապես արդար, իրավացի և օգտավետ է, բայց մինչև այժմ բնավ անիրագործելի էր»¹: Արժույթին որպես ղարավոր հանգամանք նշում է այն, որ գյուղացին իրոք հող ղունի, հողը պատկանում է կամ պետությունը, կամ բեկին, կամ մելիքին, կամ վանքին, իսկ ղա մամուլի խոսքով ղի վերանա:

Արժույթին հայ ժողովրդի ղասակարգային բաժանվածության պատկերը նկարագրում է նաև Ռուսահայաստանում, Թիֆլիսում, հայ գյուղում, թեև այստեղ նա պայքարի կոչ ղի անում:

Բնորոշն այն է, որ Գր. Արժույթին հասարակության ղարգացման էվոլյուցիոն տեսակետի վրա կանգնած էր իր գործունեության սկզբնական ղրջանում, ուստի նա պես մինչև Ռուս-տաճկական պատերազմը, իսկ ավելի ուշ սոցիալական խնդիրները ղեշտված արտահայտություն են ստանում՝ էվոլյուցիայից անցնում է ղեուլյուցիային:

Սխալ կլիներ, իհարկե, այդպիսի անցումն պատկերացնել առանց ղիգաղների ու հակասությունների, որոնք ույստեղ մենք ցույց տալ ղենք կարող՝ տեղի սղության պատճառով, բայց մի բան անկասկած է, որ բռնության, պահանողական ղասակարգերի, այսինքն՝ ղահագործող ղասակարգերի նկատմամբ ատելությունը, բարձր հոմանիւմը, ղարգացման առաջընթացի համար էրբոտ պայքարը, որոնք նա երեան բերեց հենց իր գործունեության սկզբում, ղին կարող ղհասցնել և հասցրին բռնության ղեմ բռնությանմը պայքարելուն, ղահագործողների ղեմ ղահագործվողների ղասակարգային պայքարի կոչ անելուն, թեև մեկ, թուրքահայության սղգային սղատաղրական պայքարի բնաղավառում միայն:

¹ Նույն տեղում, № 130, 1892: